



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

De Poena non residentium. Cap. ii.

urn:nbn:de:hbz:466:1-10316

presbyteri, & clerici, ac religiosi eorum patres in titulum vel commendam, aut administrationem ad tempus, seu in perpetuum aliquando obtinuerunt, nullo unquam tempore quoquo modo obtinere possunt, nec cum eis super hoc præsumitur dispensata, ut statuit Clem. VIII. in litteris, de quibus in Bull. Rom. c. 26, in eod. Bull. pag. 339.

41 Beneficiorum † obtinendorum occasione se pro aliis in examine supponens, aut beneficia pro personis id ignorantibus, seu pro se, vel pro aliis, cum oblatione alicujus pensionis annuæ, aut cum spe pensionem annuam, aut aliud quantumvis modicum, temporale commodum ab eis consequendi, vel pro se ipsis principaliter, animo & intentione, ut postmodum in favorem aliorum, etiam quantumvis idoneorum, & benemeritorum, cum simili pensione, aut commo, aut etiam sine eo resignandi obtinere procuraverit, cujuscunque status, gradus, ordinis,

& conditionis existat, etiam si Episcopali, vel alia majori dignitate ecclesiastica præfulgeat, inhabilitatis ad illa, & alia in posterum obtinenda poenam eo ipso absque alia desuper facienda declaratione incurrit, præter excommunicationis anathematis, ac maledictionis æternæ sententiam, qua innodantur, ut in litteris Paul. Papæ IV. de quibus in Bull. Rom. c. 33. §. nos prævisis.

42 Collationes † beneficiorum sunt etiam nullæ in illis personis, quæ propter genus, aut hæresim, aut à fide apostasiam, sive proprio, sive stirpis, sive cognatorum vitio, contaminari, per canonicas factiones, aut statuta à Sede Apostolica firmata, aut Apostolica privilegia ab ecclesiis prohibentur, ita quod provisiones eisdem quacunque auctoritate factæ vires, & effectum habere non possunt, sed Sedi Apostolicæ sunt expresse reservata, & affecta, ut in litteris Gregor. Papæ XII. de quibus in Bull. Rom. cap. 68.

DE POENA NON RESIDENTIVM.

Cap. II.

S V M M A R I V M.

- | | |
|---|---|
| 1 Residere tenentur parochi sub poena privationis. | 5 Episcopi residere negligentes, quando Papa sint denunciandi. |
| 2 Beneficia simplicia, an personalem residentiam requirant. | 6 Episcopus diu à sua residentia sine legitima causa absens, potest jure privari. |
| 3 Vagabundi beneficijs simplicibus possunt jure privari. | 7 Absesse non possunt Episcopi ultra trimestre singulis annis. |
| 4 Residere tenentur Episcopi, alioquin poenam incurrun. | 8 Absesse quando possint Episcopi à residentia, |

F f f 3

Parochi

- 9 Parochi ultra bimestre abesse non possunt, & neque per id tempus absque licentia scriptis obtenta.
- 10 Episcopi à residentia ultra duos menses parochos dispensare non possunt.
- 11 Abesse non possunt canonici à residentia ultra tres menses.
- 12 Residentia debita quando debeat publicari.
- 13 Absens ex causa, quomodo beneficio debeat providere.
- 14 Absens elapso termino licentia sibi concessa, quomodo beneficio privari possit.
- 15 Parochi sine causa, & licentia non residentes, quam pœnam incurrant.
- 16 Fructus, in quibus ob non residentiam quis condemnatur, fabrica ecclesie sunt applicandi.
- 17 Residentia præcipuè debetur in parochiali.
- 18 Parochi ad residentiam in domo parochiali sunt cogendi, & ea deficiente, in domo parochiali propinqua.
- 19 Canonici ultra tres menses non residentes qua pœna sint puniendi.
- 20 Absentes sine legitima causa, si distributiones quotidianas percipiunt, ad illarum restitutionem tenentur.
- 21 Canonici quomodo per tres menses abesse possint.
- 22 Canonici, gaudentes privilegio trium mensium absentia, distributiones quotidianas amittunt.
- 23 Canonici missi ad limina Apostolorum, vel ad eadem limina Episcopos comitantes distributiones quotidianas non amittunt.
- 24 Distributiones quotidianas quando non amittant canonici, inservientes clericis parochialibus canonicatibus annexis.
- 25 Distributiones quotidiana pluribus casibus non amittuntur.
- 26 Distributiones quotidianas non amittunt absentes à choro pro utilitate ecclesie.
- 27 Distributiones quotidianas non amittunt infirmi, & senio confecti.
- 28 Distributiones non amittunt, Episcopi in visitatione inservientes.
- 29 Absentes in Apostolica Sedis, aut Episcopi servitio fructus præbendarum integre percipere possunt.
- 30 Residere negligentes ultra pœnas privationis fructuum, alijs etiam pœnis plerumque possunt.
- 31 Residere recusantes, ac extra residentiam decedentes pœnam incurrunt, quod eorum bona spolio Camera Apostolica cedunt.
- 32 Parochi epidemia tempore ad residentiam, & ad ecclesiastica sacramenta administranda tenentur.
- 33 Absentes ultra tres menses, quomodo sint movendi.

BENEFICIA † curam animarum habentia, aut aliàs personalem residentiam requirentia obtinentes, ob non residentiam, pœnam privationis incurrunt c. conquerente. & ibi Innoc. & Abb. num. 1. de cler. non resid. & cap. inter quatuor. eod. tit. † Simplicia autem beneficia de jure communi requirebant etiam

residentiam personalem, ut trad. Abb. in c. quia nonnulli. n. 6. & n. 7. eo tit. sed contra hodie viget consuetudo, quæ habet vim legis, quod beneficia simplicia residentiam non requirant personalem, ut ibi Abb. Navar. de hor. can. c. 44. n. 1. & Graff. decis. aur. par. 1. lib. 2. c. 97. n. 59. nihilominus etiam quoddam beneficia non requirant residentiam.

residentiam, si clerici vagantur, ob delictum vagationis, servatis de iure servandis, legitimo contra ipsos formato processu, possunt illis iure privari gl. ut in c. non oportet. de consecr. dist. 5. Innoc. in c. ex tua devotionis. n. 4. & Abb. nu. 14 de cler. non resid. Corlet in sing. in verb. vagabundus, & Diaz. pract. crim. c. 53. nu. 4.

Episcopi si autem, qui propriæ salutis immemores, terrena cœlestibus, ac divinis humana præferentes, in diversis curiis vagantur, aut in negotiorum temporalium sollicitudine, ovili derelicto, atque ovium sibi commissarum cura neglecta, se detinent occupati: si quis ipsorum, sex mensibus continuis, extra suam diœcesim, legitimo impedimento, seu iustis, & rationabilibus causis cessantibus, morando abfuerit, quartæ partis fructuum unius anni, fabricæ ecclesiæ, seu pauperibus loci, per superiorem ecclesiasticum applicandorum pœnam ipse iure incurrit: quod si per alios sex menses in huiusmodi absentia perseveraverit, aliam quartam partem fructuum similiter applicandam eo ipso amittit: & crescente contumacia, ut severiori sacrorum canonum censuræ subijciatur, metropolitanus suffraganeos Episcopos absentes, metropolitanum verò absentem, suffraganeus Episcopus antiquior residens, sub pœna interdicti ingressus ecclesiæ eo ipso incurrenda, intra tres menses per litteras, seu nuncium Romano Pontifici denunciare tenetur, quin in ipso absentes, prout cuiusque major, aut minor contumacia exegerit, suæ supremæ sedis auctoritate animadvertere, & ecclesiis ipsis de pastorebus utilioribus providere possit, sicut in Domino noverit salubriter expedire, conc. Trident. c. 1. §. ac nihilominus, & §. si quis, de re-

form. sess. 6. & ante concil. Tridentinum etiam ad residentiam tenebantur. cap. per venit. & cap. 1. & 2. de cler. non resid. ad quam per concil. Trident. in cap. 1. de re-form. sess. 23. inquit Navar. Episcopos, & Parochos iure divino teneri: ut in cap. 25. numer. 121. circa. med. ver. secundò. prædictum concilium.

Episcopus enim si diu à sua residentia absens iure privari potest. c. 2. & c. qualiter. de cler. non resid. præcipue autem Dominici adventus, Resurrectionis Domini, Pentecostes, & Corporis Christi diebus Episcopi à residentia abesse non possunt c. si quis in clero. 7. q. 1. nec quadragesimali tempore. concil. Trident. in c. 1. circa. med. de re-form. sess. 23. Nec ultra trimestre singulis annis, sive continuum, sive interruptum, (quod etiam æqua ex causa, & absque ullo gregis detrimento fieri debet) nunquam abesse possunt; quod quidem temporis spacium conceditur, cum Christiana charitas, urgens necessitas, debita obedientia, & evidens ecclesiæ, vel Reipublicæ utilitas exposcit: quæ causæ à dicto concilio uti legitimæ fuerunt approbatæ eod. c. 1. §. nam cum sess. 23. c. ad supplicationem de renano. c. relatum. c. de cœtero. c. inter quatuor, & c. tua, de cler. non resid. & c. quorundam. 74. dist.

Abesse si cupientes licitas causas, à Papa, aut à Metropolitano, vel Metropolitano absente, à suffraganeo Episcopo antiquiore residente, qui ejusdem Metropolitanus absentiam approbare debet, ut in scriptis approbentur, debent obtinere: nisi cum absentia incidit propter aliquod munus, & reipublicæ officium Episcopatibus adjunctum, cujus, quoniam causæ sunt notoriæ & interdum repentinae, non

- non erit necesse illud Metropolitano renunciare, ad quem tamen cum concilio Provinciae spectabit judicare de licentiis à se, vel suffraganeo datis, & videre, ne quis eo jure abutatur, & ut pœnis canonicis errantes puniantur. *ead. c. 1. §. nam cum* † Parochiis autem sine licentia in scriptis habitata, quæ gratis, & nisi ex gravi causa, ultra bimestre concedi non debet, & idoneo Vicario ab Ordinario approbato, qui parochiali ecclesiæ interim inserviat, cum debita mercedis assignatione deputato, abesse non licet. *eo. cap. 1. §. eadem omnino. ver. descendendi. sess. 23. & cap. 2. in fin. sess. 5. de reform.* † Nec aliter Ordinarii habent facultatem quavis ratione à residentia dispensandi. *congreg. conc. super eo. cap. 2. in decis. sub tit. Pistorien.* Causa enim studiorum dispensatio à residentia concedi non potest, cum hodie per concil. Tridentin. non admittantur ad parochiales, nisi qui per concursum magis idonei sunt iudicati, ut per sacram eöngr. sub die 22. Februarii 1590. fuit decilum, *ut in decis. super eo. cap. 1. §. congregatio censuit* † dignitates, canonicatus, præbendas, aut portiones in cathedralibus, aut collegiatis ecclesiis obtinentes ultra tres menses ab eisdem ecclesiis quolibet anno abesse non possunt, salvo tamen earum ecclesiarum constitutionibus, quæ longius servitij tempus requirant. *cap. 12. §. hortatur. de refor. sess. 24.*
- † decreta autem à concil. Tridentin. edita super residentia in concil. Provin. & synod. diœcesana debent publicari & frequenter omnium auribus, mentibusque infigi, ut in posterum, Deo iuvante, nulla temporum injuria, aut hominum oblivione, aut desuetudine aboleantur. *eo. cap. 1. in fin. sess. 23* † Ex his enim causis nec potest quis abesse, nisi provisio, quod interim de absentium beneficiatoribus fructibus ita provideatur, quod propter absentiam ecclesia nullum patiatur damnum in divinis. *cap. 2. in fin. de reform. sess. 6. & prædicto. cap. 1. sess. 25. cap. cum ex eodem §. porro. de elect. in 6. & cap. beneficium de regul. cœn. lib.*
- Elapso termino † licentiæ concessæ, aut contra non residentes licentia non perita, nec impetrata per edictum publicum, servatis legitimis processibus, Ordinarius procedere potest, quacunque exemptione, & inhibitione etiam vigore Eugeanæ constitutionis non obstante. *dict. cap. 2. sess. 6. & cap. 11. sess. 24. de reform.* usque ad privationem inclusivè, dum tamen præcesserint trina edicta publica, & lapsi sint sex menses juxta *cap. extus. de cler. non resid.* Congreg. Conc. *super cap. 1. in ver. privationem. de reform. sess. 23.*
- Parochi † autem, qui sine causa & licentia absunt, mortalis peccati reatum incurunt, & pro rata temporis absentia fructus suos non faciunt, qui fabricæ ecclesiarum, aut in pauperum usus à superioribus sunt erogandi. *dict. cap. 1. §. si quis autem, sess. 23.* ac præterea moniti, nisi redierint, possunt jure privari. *cap. inter quatuor. & cap. fin. de cler. non resid. cum alijs supra allegatis.* Fructus autem † prædicti per ordinarium fabricæ ecclesiæ parochialis debent applicari, etiam si non indigeat, nec pauperes intra ejus limites reperiantur, cum tamen indies possit indigere, saltem quo ad paramenta, & alia ad ecclesiæ ornatum necessaria. *congregat. concil. super eodem cap. 1. sess. 23. in verb. fructus non residentium.* Et † cum prima, & præcipua debeat esse cura animarum

- marum & ad residendum in ecclesia pa-
rochiali, & ibi in divinis deservendum, de-
bitoque eorum officio fungendum teneri,
& obligatos esse, ac id per Episcopos, &
aliorum locorum ordinarios tanquam Se-
dis Apostolicæ delegatos sub sententiis,
& censuris Ecclesiasticis, & pecuniariis
arbitrio eorum declarandis, ac etiam pri-
vationis dictarum parochialium, & alio-
rum quorumcunque beneficiorum per
21 *ver. tres menses*, & Et licet impunè abesse
possent, distributiones tamen non percipi-
unt, sed illas amittunt, *congr. conc. super d.
c. 12. in decis. sub tit. Mediolanen. Gadicen.*
Quæ illæ temporibus vacationum esse de-
bent pro canonicis, qui servire volunt, *ut
in eisdem declarat, sub verb. tres menses, §.
& distributiones.*
- 22 ¶ Et sunt cogendi ad habitandum in domo
ecclesiæ, vel si ecclesia domum non habeat
in propinquire intra limites parochiæ,
alias tenetur ad restitutionem fructuum,
*de quibus in eodem cap. 1. sess. 23. & ita cen-
suit congreg. concil. super eodem cap. §. cong.
censuit.*
- 23 Dignitates, & ¶ canonicatus in cæthe-
dralibus, vel collegiatis ecclesiis obtinen-
tes, & ultra tres menses contra conc. Trid.
dispositionem non residentes, primo anno
24 dimidia parte fructuum, quos ratione et-
iam præbendæ, & residentiæ suos fecif-
sent, sunt privandi; de distributionibus
25 quotidianis ¶ absentes adeo sunt privandi,
ut si quis de eisdem quicquam percipere
præsumit, excepta infirmitatis, aut alia ju-
sta, & rationabili corporali necessitate, aut
ecclesiæ evidenti utilitate debeat excusari,
eisdem fructus non faciat suos, sed ad
26 omnium sic perceptorum restitutionem
teneatur, *c. unic. de cler. & resid. in 6. conc.
Trid. cap. 12. de reform. sess. 24. & pluribus
de causis canonici à residentia excusan-
tur.*
- 27 ¶ Tercio, ¶ qui ex causa legitima com-
prehensa in *cap. unic. de cler. non resid. in 6.*
ab Episcopo excusatur à residentia chori
sine consensu capituli, de cujus interesse
agitur, sive sit canonicus, sive capella-
nus, *ut in declarat. super eodem cap. 12.
in dec.*

in dec. sub tit. Veronen. & alia sub tit. Mediolanen. erit enim causa legitima, si deficientibus tuncaliis Missis, dum divina officia in choro recitantur, canonico concedatur, ut dimisso choro fidelibus Missam celebret, vel fidelium confessiones audiat, aut alia sacramenta ecclesiastica in casu necessitatis ministret, quia præmissa concernunt evidentem ecclesiæ utilitatem, quibus casibus distributiones quotidianæ legitimè percipiuntur, *dict. c. unic. §. qui vero de cleric. non residen.* Quodque ²⁶ absentes † pro utilitate ecclesiæ distributiones quotidianas non amittant, fuit etiam decisum per eandem sacr. congreg. *super dict. c. 12. in decis. sub tit. Tudertin. que incipit, absentes pro utilitate,* & idè bene, & jure Gregor. XIII. sanctæ mem. Carolo Borromeo Archiepiscopo Mediol. ac omnibus Episcopis, & ecclesiis ejusdem provinciæ perpetuè concessit, & indulgit, quòd, quicumque canonici metropolitana, cathedralisvè ecclesiæ, aut dignitatem in ea obtinentes, alique chori officii adstricti, Archiepiscopo, vel Episcopo, in civitate etiam extra ecclesiam metropolitana, vel cathedralem consecrati, vel ²⁷ reconcilianti ecclesias, cœmeteria, aut sacros ordines, aut confirmationis sacramentum, aut sanctissimam Eucharistiam frequenti populo ministranti, aut alia Pontificalia munera exercenti, ejus jussu assistent, ministraverint, vel inservierint, quique Archiepiscopi, vel Episcopi jussu in metropolitana cathedrali, aut collegiata ecclesia ²⁸ sua curata in sacramentorum pœnitentiæ, aut sanctissimæ Eucharistiæ administratione operam, ministeriumvè præstiterint, dum in ea occupatione versantur in ipsa ecclesia, ita præsentem in choro cense-

antur, ut distributionum quarumcumque æquè participes sint atque illi, qui missarum solemnium, & horis, canonicisque officii in choro intersunt, quodque præfato Archiepiscopo, & cuilibet Episcopo dictæ Provinciæ liceat, quandoocunque sibi videbitur, permittere, & ordinare, ut aliquot ex canonicis, dignitatevè obtinentibus, ac alius choris officio adstrictis Missæ sacrum, sive ex sua solùm devotione, sive ex onere suscepto, vel sibi imposto, aut elemosinæ nomine celebraturis, illud in sua quisque ecclesia, in qua choro adstricti sunt, quo tempore divina officia in choro aguntur, tã festis, quàm ferialibus diebus, paragere liceat; & nihilominus, quod ad distributiones capiendas attinet, præsentem in choro censeantur. Non obstantibus constitutionibus & ordinationibus Apostolicis, ac ecclesiarum statutis, ac consuetudinibus, etiam juramento, confirmatione Apostolica, vel quavis firmitate alia roboratis, *ut in litteris sub annulo Piscatoris die 20. Octobris. 1579. expeditis, in synodo diœcesana prima Casaris Speciani Episcopi Cremonensis impressis.*

²⁷ Quintò, † distributiones percipiant infirmi, & senio confecti, qui residere non possunt, si alias residere consueverunt, & debentur etiam detentis in carceribus, non tamen ob propriam culpam, ex trad. per Io. Andr. *in eod. c. unic. de cler. non resid.* & congreg. concilij *super eod. c. 12. in decis. sub tit. Ravennaten.*

²⁸ Sècundò, † duo canonici, qui inserviant Episcopo in visitatione, absentes dici non debent, sed præsentem, ipsi enim eum Episcopo pro suo, & ipsius ecclesiæ servitio commorantur, *cap. de cœtero, & ibi gloss. 1. & cap. ad audientiam, §. decoratus, ubi*

ubi etiam gl. fin. & Abb. nu. 1. de cleric. non resid. non tamen percipiunt victualia, quæ non consueverunt absentibus exhiberi, sed presentibus tantum dantur, ut in eod. c. de cætero, in fine, & ibi glo. fin. congreg. conc. super eod. c. 12. in decis. sub tit. Tudertin. Ra. 31 pennat. & etiam canonici, pœnitentiarius, & theologus, ac alij, de quibus supra in cap. dispers.

29 Si vero † in Apostolicæ Sedis, aut Episcopi servitio duo canonici fuerint, fructus præbendarum integrè percipere possunt, quia absentes dici non debent, ita quod, quo ad præbendam, pœnam incurrant, sed præsentibus, qui pro Episcopi, aut suæ ecclesiæ servitio commorantur, et ad audientiam, de cler. non resid. & ibi Abb. numer. 3.

30 Contra † non residentes ultra pœnas privationis fructuum, debet præterea etiam per edictum publicum, quando ad ipsos citatio pervenire non potest, servatis de jure servandis, ad suspensionis, & excommunicationis sententiam, ac dignitatum, canonicatum, parochialium, & aliorum beneficiorum residentiam requirentium personalem privationem procedi, cap. ex tua devotionis & ibi Abb. numer. 10. eodem tit. & ultra prædictas pœnas Pius Quartus motu proprio, & ex certa scientia, ac de Apostolicæ potestatis plenitudine, omnibus, & singulis Patriarchis, Primatibus, Archiepiscopis, Episcopis, & aliis quibuscunque ecclesiis in commendam, vel administrationem, aut alio quovis modo obtinentibus, & quibuscunque beneficiatis curam animarum habentibus, qui juxta decreti super residentia in concilio præfato promulgati tenorem, personalem in suis ecclesiis residentiam

facere tenentur, ultra pœnas in d. decret. conc. contentas, etiam sub privationis ecclesiarum suarum, & aliis arbitrariis pœnis juxta formam, & tenorem dicti decreti residere mandavit, ac statuit, ordinavitque † quod deinceps omnia, & singula mobilia, & immobilia etiam in urbe, vel ejus districtu existentia, & se moventia, res, & bona, jura, & actiones cujuscunque qualitatis, & valoris, ac ubicunque locorum consistant, ad Patriarchas, & primates Archiepiscopos, Episcopos, & alios quoscunque, etiam quavis auctoritate, dignitate, gradu, & præminentia fulgentes, ecclesias præfatas in titulum, vel commendam, sive administrationem, aut alio quovis nomine obtinentes, & alios quoscunque beneficiatos curam animarum habentes, qui extra prædictas ecclesias, ac diœceses etiam in Romana Curia, aut alibi degentes, & juxta decretum, & formam concilij hujusmodi non residentes decesserint, pertinentia, & per illos quarumcunque suarum ecclesiarum, & beneficiorum ecclesiasticorum cum cura, & sine cura secularium, & regularium, quæ illi quomodolibet obtinuerint, ac fructuum, reddituum, & proventuum ecclesiasticorum, pensionumque annuarum, ipsis super similibus fructibus, redditibus, & proventibus reservatorum, & assignatorum occasione quaesita, etiam si facultatem specialem, de illis, aut eorum parte testandi, & aliàs liberè disponendi, à quibuscunque Romanis Pontificibus cum quibusvis clausulis, & irritantibus decretis obtinuerint, tanquam spolia, ad Camera Apostolicam legitimo jure pertineant. Ita quod Thesaurario, seu Commissario generali, & ejusdem Camera deputatis in eventum decessus beneficiorum,

solitum inventarium super rebus, & bonis prædictis conficere, illaque prout de reliquis clericorum spoliis fieri solet, ad pro tempore existentem Thesaurarium dictæ Cameræ Apostolicæ, nulla cuiusvis desuper licentia requisita, redigi mandavit, ut in eisdem Pij IV. constit. 115. quæ incipit in summa militantis. Quid verò importet verbum, residere, qui residere teneantur, & quæ sint causæ iustæ non residendi, trad. Graff. decis. aur. c. 97. num. 57 59. 60. 61. & 2. par. 1. lib. 2. c. 15. nu. 6. & 7. par. 2. lib. 3. & optime Diaz. junct. addit. Mand. in quoque tempore parochi ad residentiam, & sacramenta administranda omninò sunt obligati. congreg. concil. super c. 1. de refor. sess. 23. sub tit. Mediolanen. Et canonici absentes ultra tres menses non sunt citandi, aut monendi ad residentiam, sed ad allegandum causam legitimam absentiae, & quare non debeant puniri, ut in decis. super eo. 12. sess. 24. sub tit. V. excellen. quæ incipit canonici absentes.

DE SPOLIIS CLERICORVM.

Cap. III.

S U M M A R I U M.

1. Episcopi bona propria, quæ ante assumptionem ad Episcopatum habebant testamento relinquere possunt.
2. Clericorum spolia olim habebant ecclesiæ, cui beneficiati inserviebant.
3. Ecclesia an succedat in pœnam, qua plebitur interficiens presbyterum.
4. Iuris secundum temporum varietatem, varie processerunt.
5. Spolia clericorum ad Cameram Apostolicam spectant.
6. Spolia ecclesiastica, quæ dicantur.
7. Bonorum ecclesiasticorum omnium administratio spectat ad Papam.
8. Bonorum ecclesiasticorum quatuor sũnt species.
9. Spoliorum ecclesiasticorum nomine sacramenta venire non possunt.
10. Paramenta, ornamenta, & vasa sacra non cadunt in spolium.
11. Scamna, mensæ, dolia, & huiusmodi in spolio non includuntur.
12. Patrimonialia, & causa donationis, vel successionis quæ sita, non cadunt in spolio.
13. Clerici ab intestato, & sine legitimis successoribus decedentibus, bona ecclesiæ, quibus præfuerunt incorporantur.
14. Bona acquisita ratione clericali ordinis, vel officij, sunt quasi patrimonialia, & non faciunt spolium.
15. Bona acquisita ratione ordinis clericali à quatuor ex redditibus ecclesiasticis differunt.
16. Bona acquisita de huius, quæ beneficiarium parcius vivendo servavit, non cadunt in spolium.

Bona.